



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Morinensi Episcopo.

urn:nbn:de:hbz:466:1-20020

704 Epistolarum Innocentij III.

pareat idonea cautione recepta, eadem sententias relaxetis, injuncto nobili memorare quod de jure videritis injungendum. Super aliis verò, vocatis qui fuerint evocandi, & auditis hinc inde propositis, quod justum fuerit appellatione postposita stantibus, sic occurrit malitiis quod salva iustitia nec lèdat immunitas cruce signatis induita, nec immunitatis beneficium ad iniquitatis defensionem trahatur ab aliquo in alterius lesionem. Nullis litteris veritati & iustitiae praejudicantibus à sede apostolica impetratis. Quod si non omnes &c. tu, frater Episcope, cum eorum altero &c. Datum Laterani Nonis Ianuarij, pontificatus nostri anno quintodecimo.

*ARCHIDIACONO GRADENSI,
& Archipresbytero Capitis Ageris
Clugienfis diocefis.*

Epiſt. 100.
Ei confirmatur
plebanus de
Rivoalto.

Supplicavit nobis dilectus filius Petrus Pino Subdiaconus noster Canonicus sancti Marci ut cùm venerabilis frater noster Episcopus Cremonensis apostolicae sedis Legatus plebanum Ecclesiae sancti Iohannis de Rivoalto, cuius donatio ad nos erat secundum statuta Lateranensis Concilij devoluta, canonicè sibi duxerit concedendum, concessionem ipsam apostolico dignaremur munimine roborare. Ideoque discretioni vestrae per apostolica scripta mandamus quatenus plebanum ipsum ei, sicut justum fuerit, confirmantes, faciat ab eo pacificè possideri, contradicentes, si qui fuerint, vel rebelles per censuram ecclesiasticam sublato appellationis obstaculo mediante iustitia compescendo. Datum Laterani v. Non, Ianuarij, pontificatus nostri anno quintodecimo.

*ABBATI SANCTI FELICIS
& Archipresbytero Capitis Ageris
Torcellane & Clugienfis diocefis.*

Epiſt. 201.
Similis argu-
menti.

Significavit nobis.. Archidiaconus Gradenfis quod cùm plebanus Ecclesiae sancti Apollinaris de Veneriis tanto tempore vacavisset quod secundum Lateranensis statuta Concilij ad nos ejus erat donatio devoluta, venerabilis frater noster Episcopus Cremonensis apostolicae sedis Legatus attēdens redditus archidiaconatus ejusdem penè penitus esse nullos, plebanum prefatum sibi legationis auctoritate concessit. Vnde nobis humiliter suppli- cavit ut concessionem eandem apostolico dignaremur munimine roborare. Ideoque discretioni vestrae per apostolica scripta mandamus quatenus vocatis qui fuerint

evocandi, & inquisita plenius & cognita veritate, si redditus archidiaconatus ejusdem adeo esse inveneritis tenues & exiles quod non possit de ipsis dictis Archidiacus congruè sustentari, plebanum praedictum eidem, sicut justum fuerit, confirmatis, & faciat ipsum pacifica ejusdem possessione gaudere, contradicentes, si qui fuerint, per censuram ecclesiasticam appellatione postposita compescentes. Tu denique, fili Abbas &c. Datum Laterani iv. Non. Ianuarij, pontificatus nostri anno decimoquinto.

MORINENSI EPISCOPO.

Contingit interdum quod dum clericali chartere insigniti ad turpia luxuria divertunt & secularibus negotiis se imiscent, clericale nomen abominabile redit cordibus infirmorum. Sanè, sicut accepimus insinuantibus nobili viro Comite Flandrensi ac nobili muliere Mathilda relicta quondam Philippi Flandrensis Comitis, in diocesi tua quidam existunt qui nec in modo tonsuræ nec in vestitu forma nec in qualitate negotiorum de clero quicquam ostendunt, ad pœnas subterfugunt se clericos exhibentes; quia cùm super excessibus quos seculari luxu committunt ad publica judicia pertrahuntur, circunciscribuntur, ut possint circumvenire vindicatum, se pro clericis repräsentant, clericis fori privilegium labiis allegantes, qui factis paulò ante negaverant clericatum, dumque repentina tonsura pœnas elidunt quas intonſi perversis actibus meruerunt, per impunitatis fiduciam nutritur in eiusdacia delinquendi, & dum impune delinquent, quibusdam efficiuntur in scandalum & aliis in exemplum. Vnde quia privilegium meretur amittere qui permisso sibi abutitur potestate, ac frustra legis auxilium invocat qui committit in legem, volumus & mandamus ut tales, si tertio à te commoniti se ipsos contemplent emendare, illius efficiantur immunitatis expertes qua pro clericorum tutela & laicorum violentia coērcenda noscitur instituta. Tu denique, frater Episcope &c. Datum Laterani v. Idus Ianuarij, pontificatus nostri anno decimoquinto.

In eundem modum scriptum est Atrebattenſi Episcopo. In eundem modum scriptum est Toracenſi Episcopo.



ABBATI